



五代會要提要

五代會要三十卷宋王溥撰五代干戈倣攘百度陵夷故府遺規多未暇修舉然五十年間法制典章尙略具於累朝實錄溥因檢尋舊史條分件繫類輯成編於建隆二年與唐會要並進詔藏史館後歐陽修作五代史僅列司天職方二考其他均未之及如晉段顥劉昫等之議廟制周王朴之議樂皆事關鉅典亦略而不詳又如經籍鏤版昉自長興千古官書肇端於是崇文善政豈宜削而不書乃一概刊除尤爲漏略賴溥是編得以收放失之舊聞厥功甚偉至於租稅類中載周世宗讀長慶集見元微之所上均田表因令製素成圖頒賜諸

五代會要抄要
道而歐史乃云世宗見元微之均田圖是直以圖爲元微之作乖舛尤甚微溥是編亦無由訂歐史之謬也蓋歐史務談褒貶爲春秋之遺法是編務核典章爲周官之舊例各明一義相輔而行讀五代史者又何可無此一書哉

原序

本朝故相王公溥撰唐及五代會要凡當時制度沿革粲然條陳無遺唐會要已鏤板於吳而五代會要未甚傳彥博家藏善本比至蜀請官參用正史考覈其訛謬且刻以傳

慶歷六年四月望日樞密直學士尙書吏部員外郎知益州事充益州路兵馬鈐轄文彥博題

國朝王文康公所纂五代會要三十卷慶歷中文忠烈公帥蜀嘗刻行之兵興以後又軼其傳元之假守信安得舊板於江陰以來因併與范魯公所著五代通錄刻板寘郡五季之事陋矣亡足云者然而前承唐餘後迄宋興其間五六十載儀物章程官名文法因循損益之繇使後世有考者多見此

五代會要原序
書之不可廢也昔孔子之杞宋得夏時坤乾而取之以其近
於用也是亦學士大夫之所宜知也
乾道七年三月旦日左宣教郎權發遣衢州軍州主管學士
兼畿內勸農事施元之書

五代會要目錄

卷一

帝號 附雜錄

皇后 附雜錄

出官人

追諡

內職

卷二

諸王 附雜錄

昏禮

親饗廟

公主

親拜郊 附雜錄

廟儀

卷三

廟制度

禘祫

配享功臣

緣廟裁製

社稷

嶽瀆

寒食拜掃

武成王廟

祭器

牲牢

卷四

緣祀裁製

親謁陵

公卿巡陵

皇后陵

附雜錄

忌日

諱

冊命

舉人自代

附舉官

皇太子親王見三師禮

鄉飲

講武

賤表例

卷五

待制官

辭瑞

附雜錄

行幸

追賞

節日

獻俘

大內

太寧宮

長春宮

華清宮

諸宮

附雜錄

受朝賀

二王三恪

朔望朝參

入閣儀

開延英儀

卷六

常朝

廊下餐

輟朝 附雜錄

諸侯入朝

百官奏事

親王與朝臣行立位

文武百官朝謁班序

內外官章服 附雜錄

戟

卷七

論樂

雅樂

廟樂 附雜錄

卷八

褒崇先聖

釋奠

經籍

服紀

喪葬

奪情

卷九

定格令

議刑輕重

定賊

論赦宥

徒流人

斷屠釣

刑法雜錄

卷十

歷 附雜錄

渾天儀

漏刻

地震

日蝕

月蝕

彗孛

五星陵犯

星聚

星流

卷十一

山摧

水溢

火

蝗

木冰

雜災異

功臣

封建附雜錄

封嶽瀆

卷十二

寺附雜錄

觀附雜錄

燃燈

金吾衛

屯衛

京城諸軍

軍雜錄

馬

諡附雜錄

當直

休假

醫術

卷十三

中書門下起請雜條附

起請雜錄

門下省

中書省

門下侍郎

中書侍郎

中書舍人

諫議大夫

起居郎起居舍人

符寶郎

城門郎

金鑾殿學士

端明殿學士

翰林院

卷十四

尚書省

尚書令

左右僕射

左右丞

吏部

司封

司勳

卷十五

考功

兵部

職方

戶部

度支

延資庫使

卷十六

刑部

司門

禮部

祠部

虞部

秘書省

殿中省

內侍省

太常寺

宗正寺

光祿寺

太僕寺

大理寺

鴻臚寺

太府寺

司農寺

少府監

國子監

卷十七

王府官

致仕官 附雜錄

試攝官

僞官

御史臺

御史大夫

御史中丞

侍御史

殿中侍御史

監察御史

御史臺主簿

知班

推事

出使

附雜錄

卷十八

史館移置

諸司送史館事例

前代史

修國史

修史官

史館雜錄

宏文館

集賢院

留守

卷十九

開封府

河南府

京兆府

大名府

諸府

都督府

刺史

縣令

錄事參軍附

簿尉

卷二十

中外加減官

量戶口定州縣等第

州縣望

州縣分道改置

卷二十一

選事

選限

卷二十二

吏曹裁製

雜處置

甲庫

制舉

宏詞拔萃

進士

卷二十三

緣舉裁製

三禮三傳附

開元禮

明經

童子

明法

科目雜錄

卷二十四

樞密使

建昌宮使

宣徽使

皇城使

元帥

諸道節度使軍額附雜錄

親王遙領節度使

宰相遙領節度使

都護府

軍

諸使雜錄

卷二十五

幕府

租稅附雜錄

團貌

籍帳

逃戶

奴婢

卷二十六

道路

街巷

橋梁

關

市

城郭

館驛

鹽

麴

鐵

鹽鐵雜條

卷二十七

漕運

倉

疏鑿利人

閉糴

泉貨

諸色料錢

卷二十八

回鶻

吐渾

奚

卷二十九

契丹

党項羌

于闐

突厥

卷三十

吐蕃

高麗

渤海

新羅

黑水靺鞨

南詔蠻

牂牁蠻

昆明

占城

雜錄

五代會要卷一

墨海金壺 史部

宋 王溥 撰

帝號

梁朝二帝 太祖 末帝

後唐朝四帝 莊宗 明宗 愍帝 廢帝

晉朝二帝 高祖 出帝

漢朝二帝 高祖 隱帝

周朝三帝 太祖 世宗 恭帝

梁太祖姓朱氏諱溫賜名全忠單州碭山縣午溝里人唐大

中六年十月二十一日生以其日為大明節天復元年正月封梁

王天祐二年十一月加相國總百揆改封魏王備九錫四

年四月十六日更名晃十八日受唐禪即位於東都之金

祥殿二十三日大赦改元國號梁開平三年正月上尊號

曰睿文聖武廣孝皇帝乾化元年五月一日又大赦改元

二年六月五日崩於大內之寢殿十一年十一月十一日葬

宣陵在洛京伊闕縣諡曰神武元聖孝皇帝廟號太祖

哀冊文中書侍郎平章事杜曉撰諡冊文門下侍郎平章事趙光逢撰

卿李燕按

年號二開平盡四年 乾化盡二年

宰相八人韓建 趙光逢 于兢 杜曉 薛貽矩 張文蔚 楊步 張策

使相二十七人錢鏐 馬殷 馬賓 劉知俊 符道昭 張全義 龐巨昭 李思諫 王景仁 張歸霸 張全義 羅紹威 劉隱 劉守文 牛存節 高萬興 羅紹威 王檀

李瓊 高季昌 王重師 劉守光 葉光畧 王鎔 李仁福 馮行襲 楊師厚

末帝諱友貞太祖第三子唐文德元年九月十二日生以其

明聖節梁開平元年五月封均王乾化三年二月即位於東

都仍稱乾化三年三月更名鐸貞明元年十一月改元又

更名瑱龍德元年五月一日德音改元三年十月八日唐

兵入汴登建國樓命控鶴將皇甫麟進刃而崩年三後唐

同光元年十月追降為庶人莊宗入汴時詔張全義葬其

年出其首遣右衛將軍安崇阮 屍藏其首於大社晉天福三

收葬之 按張全義史作王瓚

年號三乾化盡四年 貞明盡六年 龍德盡三年

宰相八人于兢 楊涉 李敬 翔 蕭頊 趙光逢 姚洎 李琪 鄭珏 錢鏐 姚 李 殷 馬 王 檀 楊師厚 龐巨昭

使相三十二人錢鏐 姚 李 殷 馬 王 檀 楊師厚 龐巨昭

宰相八人于兢 楊涉 李敬 翔 蕭頊 趙光逢 姚洎 李琪 鄭珏 錢鏐 姚 李 殷 馬 王 檀 楊師厚 龐巨昭

高萬興 高季興 尹皓 葉全畧 劉巖
張歸霸 傅璟 朱友謙 王審知 葛從周
溫韜 李繼韜 張萬進 李仁福 袁象先
韓洙 馬綽 孔勅 賀德倫 康懷英
杜建徽 曲承美
劉鄩 賀瓌

後唐莊宗姓李氏諱存勗太祖長子唐光啟元年十二月二十

二日生於晉陽宮以其日為萬壽節天祐五年正月嗣晉王位二

十年四月二十五日即帝位於魏州武德殿改元國號後

唐同光元年十月平偽梁二年二月上尊號曰昭文睿武

至德光孝皇帝四年四月一日京城軍亂崩於絳霄殿之

廊下年四月十二日天成元年七月二十二日葬雍陵在洛京新安縣晉天福元年

年正月以犯廟諱改為伊陵諡曰光聖神閔孝皇帝廟號莊宗

哀冊文中書侍郎平章事韋說纂諡冊文門下侍郎平章事豆盧革纂諡議太常

卿崔協纂

年號一 同光盡四年

宰相五人 豆盧革 程 郭崇韜 趙光允

使相三十一人 錢元璩 錢元球 殷 馬 竇 馬 存
李茂貞 馬 丁 會 張全義 魏王繼岌

王審知 錢元璩 李存璋 李存渥 高萬興 馬希振

郭崇韜 李存璋 李存渥 高萬興 高季興

袁象先 孔勅 李存霸 溫 韜 元行欽

夏魯奇 朱友謙 孟知祥 李仁福 韓 林

李 像 朱令德 符 習

明宗諱邈佶烈世本夷狄無姓氏太祖養子賜名嗣源唐咸

通八年九月九日生於北代之金鳳殿以其日為應聖節後唐同

光元年十一月拜天平軍節度使蕃漢馬步軍副總管四

年四月奠莊宗於西宮即位於柩前大赦改元天成二年

正月一日更名宣長興元年二月又改元四月上尊號曰

聖明神武文德恭孝皇帝十一月再上尊號曰聖明神武

廣道法天文德恭孝皇帝四年十一月二十六日崩於大

內之雍和殿年六十七清泰元年四月二十七日葬徽陵在洛京

陽諡曰聖德和武欽孝皇帝廟號明宗

哀冊文左僕射平章事李愚纂 諡冊文吏部尚書平章事劉高纂 諡議太常卿盧

文紀

年號二 天成盡四年 長興盡四年

宰相十人 豆盧革 韋 說 鄭 珽 任 鳳 劉 愚 李 愚 趙 鳳

使相三十七人 孟知祥 毛 璋 夏魯奇 魯 義 王建立 趙 鳳 房知溫 孔 勅

高季興 高從誨 孔 循 范延光 馬 竇 王延翰 王延稟 王 都 馬希範 馬希振

馬希杲 張虔釗 張延朗 李 嚴 姚元素 馮 贇 朱守殷 符 習 霍彥威 趙德鈞

朱宏昭 安元信 康義誠 安金全 錢元璩 錢元球 錢元璿

李仁福 安重誨

愍帝諱從厚明宗第三子唐天祐十一年十一月二十八日

生於晉陽節名長興元年八月封宋王四年十二月一日

自魏府入纂皇統卽位於柩前應順元年正月一日視朝

於廣壽殿七日大赦改元四月三日廢帝入京師四日降

為鄂王九日遇弒於衛州年十二葬徽陵之封中晉天福元

年十二月追諡曰愍

年號一 應順盡元年

宰相三人 馮 道 李 愚 劉 昫

使相二十二

王恩同

李從曠

安元信

馬希杲

王建立

范延光

趙延壽

高從誨

錢元璩

房知温

姚彦章

安彦威

朱宏昭

馬處鈞

馮

贊

廢帝姓王氏諱從珂鎮州平山縣人明宗之養子唐光啟元

年正月二十三日生

以其日為千春節

長興四年五月封潞王應

順元年四月三日自鳳翔入纂皇統六日赴西宮即位於

柩前五月大赦改元清泰三年閏十一月二十九日遇難

崩於元武樓

年五十三

葬徽陵之封中晉天福元年十二月追

降為庶人

年號一

清泰盡三年

宰相六人

李思

姚顓

劉昫

使相二十二

韓昭允

馮道

安元信

盧文進

張延朗

趙德鈞

錢元璩

錢元璩

錢元球

房知禮

李從曠

趙在禮

姚彦章

范延光

晉高祖姓石氏諱敬瑭獻祖次子唐景福元年二月二十八

日生於太原之汾陽里

以其日為天和節

長興三年十一月授北

京留守兼大同彰國振武威塞等軍蕃漢馬步軍總管清

泰三年十一月十二日築壇即位於太原府城之南國號

晉十四日大赦改元二十六日至洛陽二十九日受朝於

文明殿天福三年十月五日契丹遣使上尊號曰英武明

義皇帝七年六月十三日崩於鄴都大內之寶昌殿

年五十一

十一月十日葬顯陵

在洛京壽安縣

諡曰聖文皇帝武明德孝皇帝

廟號高祖

哀冊文

諡冊文

俱中書侍郎平章事和疑撰

諡議

太常卿崔協撰

年號一

天福盡七年

宰相五人

桑維翰和疑

趙道瑩

李崧

使相二十二人

桑維翰張延朗

馬希範王建立

馬希杲高行周

李從曦趙在禮

安審琦楊光遠

李從溫安從進

侯益安彥威

李德璋李周

杜重威安叔干

鮑君福馬全節

劉景巖杜仁

出帝諱重貴高祖兄敬儒子唐天祐十一年六月二十七日

生於太原之汾陽里

以其日為啟聖節

晉天福三年十二月授開

封尹封鄭王六年十二月一日授廣晉尹徙封齊王七年

六月十三日即位於柩前仍稱天福七年開運元年七月

一日大赦改元三年十二月契丹犯闕明年德光降帝為

光祿大夫檢校太尉封負義侯舉族遷於契丹之黃龍府

年三十四

年號二

天福盡九年

開運盡三年

宰相六人

桑維翰李崧

馮道

趙瑩

馮玉

使相二十八人

桑維翰高從敏

馮道

趙瑩

李守貞

朱文進

安審琦李從溫

安審信楊光遠

王杜重威

錢宏倣李周

錢宏佐張仲思

高行周皇甫遇

李德珣趙在禮

馬全節劉景巖

李彝殷安叔干

符彥卿石贊

漢高祖姓劉氏諱知遠顯祖長子唐乾寧二年二月四日生

於太原

以其日為聖壽節

晉天福六年七月授北京留守開運二

年四月封北平王四年二月辛未即位稱天福十二年六

月甲子至自太原戊辰改國號漢十二月癸巳至自鄴都

乾祐元年正月乙卯大赦改元己未更名暉丁丑崩於大

內之萬歲殿年五十四十一月壬申葬睿陵在洛京部城縣諡曰睿文

聖武昭肅孝皇帝廟號高祖

哀冊文 諡冊文 俱右僕射平章事蘇禹珪撰 諡議 太常卿張昭撰

年號一 乾祐盡元年

宰相四人 實貞固 蘇逢吉 李壽 蘇禹珪

使相二十一人 高從誨 高行周 馬希廣 杜重威 錢宏俶 錢宏佐 劉信 慕容彥超

李守貞 劉崇 王周 李從敏 侯益 史宏肇 符彥卿 安審琦 安叔干 李彝殷

劉銖 馮暉 白文珂

隱帝諱承佑高祖次子後唐長興二年三月九日生於太原

以其日為嘉慶節 漢乾祐元年二月辛巳封周王是日即位於柩

前仍稱乾祐三年十一月二十一日遇難於北京之趙村

年二 周廣順元年五月追諡曰隱八月十二日葬頴陵在許

州陽翟縣

年號一 乾祐盡三年

宰相五人 實貞固 蘇逢吉 李固 楊邠 蘇禹珪

使相三十三人 高從誨 馬希廣 錢宏俶 錢宏佐 高保融 李守貞 符彥卿 慕容彥超 高行周 劉崇 李從敏 白文珂 史宏肇 劉信

安審琦 侯益 高行周 劉崇 李從敏 李彝殷 劉銖 史宏肇 劉信 史匡義 侯章 王守思 高允權 常思 王景 武行德 王晏 趙暉 孫方諫 王章 郭從義 張彥威 馮暉

周太祖姓郭氏諱威慶祖長子唐天祐元年七月二十八日

五代會要卷一

周太祖姓郭氏諱威慶祖長子唐天祐元年七月二十八日

生於邢州堯山之舊宅

以其日為永壽節

漢乾祐三年四月授鄴

都留守兼樞密院使十二月二十七日奉太后制監國明

年正月五日即位於崇元殿大赦改元國號周稱廣順元

年顯德元年正月一日又大赦改元羣臣上尊號曰聖明

文武仁德皇帝十七日崩於大內之滋德殿年五十一四月十

二日葬嵩陵在鄭州新鄭縣諡曰聖神恭肅文武孝皇帝廟號太

祖

哀冊文

中書侍郎平章事王溥撰

諡冊文

右僕射平章事李穀撰

諡議

太常卿田

敏

年號二

廣順盡三年

顯德盡元年

宰相七人

李實貞固

馮道

王溥

蘇禹珪

使相四十二人

高保融

安審琦

錢宏俶

李彝殷

白文珂

張彥威

王峻

侯益

趙俟

章

符彥卿

高允權

武行德

王晏

郭崇

暉

常思

郭從義

史匡義

李從敏

郭方諫

崇

李筠

劉訓

薛懷義

何福進

王守思

折從阮

扈彥珂

曹英

郭勳

劉言

折從阮

阮

世宗姓柴氏諱榮太祖養子梁龍德元年九月二十四日生

於邢州之別墅以其日為天清節

周廣順三年三月授開封尹封

晉王顯德元年正月一日判內外兵馬事二十一日即位

於柩前六年六月十九日崩於大內之萬歲樓年三十一

月一日葬慶陵在鄭州管城縣諡曰睿武孝文皇帝廟號世宗

哀冊文

禮部尚書平章事王溥撰

諡冊文

中書侍郎平章事魏仁浦撰

諡議

翰林

學士中書舍人判
太常寺事實儼

年號一 元稱顯德盡六年

宰相五人 范質 李穀 魏仁浦

使相三十五人 高保融 錢宏俶 李彞殷 侯章

白文珂 武行德 王繼宏 劉景 安審琦

郭從義 王晏 孫方諫 王景 郭勳

折從阮 鄭仁誨 王達 李重進 王守思

郭崇 周行達 王彥超 張永德

楊信 曹英 王彥超 張永德

韓通 李筠 向訓 韓通 袁彥

大將六人 今上 韓令坤 李重進 韓通 袁彥

恭帝諱宗訓世宗第四子廣順三年八月四日生於澶州其

日為天 顯德六年六月九日封梁王二十日即位於柩前

壽節 七年正月甲辰遜位於宋降封鄭王開寶六年春崩於房

州年二月十日葬順陵在慶陵側追諡曰恭

年號一 元稱顯德 魏仁浦

宰相三人 范質 魏仁浦

使相二十一人 高保融 錢宏俶 符彥卿 王景

武行德 郭從義 楊信 郭崇 李

李重進 王彥超 韓通 張永德 向拱 筠

王晏 周行達 韓令坤 張鐸 石守信 李重進

雜錄

後唐清泰元年四月羣臣議明宗諡於南郊太常卿盧文紀請

諡曰聖智仁德欽孝皇帝廟號明宗宰臣馮道議曰按諡

法發號出令能悅民曰和克定禍亂曰武大行皇帝道契

天和功定神武請改聖智仁德四字為聖德和武餘依太常所議從之

晉天福七年八月中書門下奏山陵禮儀使狀高祖尊號諡及廟號伏准故事將啟殯宮前擇日命太尉率百僚奉諡冊告天於園丘畢奉諡冊跪讀於靈前此累朝之制蓋以天命尊極不可稽留今所上高祖聖文章武明德孝皇帝尊諡寶冊伏緣去洛京地遠寶冊難以往來當司詳酌伏請祇差官往洛京祭告南郊太廟其日中書門下文武百官列班中書令侍中升靈座前讀寶冊行告諡之禮今後欲牒所司擇日申請官員行事伏請奏聞宣下者

追諡

梁開平元年七月追尊高祖黠舜司徒虎四十二代孫為宣元皇帝廟

號肅祖高祖母范氏為宣僖皇后葬興極陵曾祖茂琳為

光獻皇帝廟號敬祖曾祖母楊氏為光孝皇后葬永安陵

祖信為昭武皇帝廟號憲祖祖母劉氏為昭懿皇后葬光

天陵父誠為文穆皇帝廟號烈祖母王氏為文惠皇后葬

咸寧陵諸陵皆在單州陽山縣

右梁朝追尊四廟

後唐同光元年閏四月追尊曾祖執宜沙陀府都督拔野古六代孫為昭烈

皇帝廟號懿祖曾祖母崔氏為昭烈皇后葬永興陵祖昌

國為文景皇帝廟號獻祖祖母秦氏為文景皇后葬長寧

陵父克用為武皇帝廟號太祖葬建極陵三陵皆在代州雁門縣

右莊宗朝追尊三廟

按實錄并唐高祖太宗懿宗昭宗共立七廟

天成二年十二月追尊高祖聿為孝恭皇帝廟號惠祖高祖母崔氏為孝恭昭皇后葬遂陵曾祖敖為孝質皇帝廟號毅祖曾祖母張氏為孝質順皇后葬衍陵祖玟為孝靖皇帝廟號烈祖祖母何氏為孝靖穆皇后葬奕陵父寬為孝成皇帝廟號德祖母劉氏為孝成懿皇后葬慶陵

金城縣

右明宗朝追尊四廟

晉天福二年五月追尊高祖璟衛大夫石碣之後為孝安皇帝廟號靖祖高祖母秦氏為孝安元皇后葬義陵曾祖彬為孝簡皇帝廟號肅祖曾祖母安氏為孝簡恭皇后葬惠陵祖昱

為孝平皇帝廟號睿祖祖母來氏

海鵬案別本作朱氏為孝平獻皇

后葬康陵父紹雍為孝元皇帝廟號獻祖母何氏為孝元

懿皇后葬昌陵

在北京晉陽縣

右晉朝追尊四廟

漢天福十二年閏七月追尊高祖湍

東漢顯宗第八子淮陽王昞之後為明

元皇帝廟號文祖高祖母李氏為明貞皇后葬懿陵曾祖

昂為恭僖皇帝廟號德祖曾祖母楊氏為恭惠皇后葬沛

陵

二陵失所遙申朝拜

祖僖為昭憲皇帝廟號翼祖祖母李氏為昭

穆皇后葬咸陵

在北京晉陽縣

父璵為章聖皇帝廟號顯祖母安

氏為章懿皇后葬肅陵

右漢朝追尊四廟

周廣順元年五月追尊高祖璟周號叔為睿和皇帝廟號信

祖高祖母張氏為睿恭皇后葬温陵曾祖諶為明憲皇帝

廟號僖祖曾祖母申氏為明孝皇后葬齊陵祖蘊為翼順

皇帝廟號義祖祖母韓氏為翼敬皇后葬節陵三陵失所遙申朝拜

父簡為章肅皇帝廟號慶祖母王氏為章德皇后葬欽陵

右周朝追尊四廟

皇后

梁元貞皇后姓張氏太祖后早薨開平二年追冊賢妃乾

德妃姓張氏末帝妃乾化五年九月

貞簡皇太后姓曹氏太祖次

唐后姓劉氏太祖正室同冊封即於是夕薨

儀使狀准禮文故事太常少卿定諡太常卿署定諡告天

地宗廟伏准禮文賤不得誅貴子不得爵母后必諡於廟

者受成於祖宗也今皇太后諡請太常卿署定後集百官

連署諡狀訖讀於太祖武皇帝廟室然後差承事郎一人

纂冊文別定日命太尉上諡冊於西宮靈座同日差官告

諡於天地太微宮宗廟如常告之儀從之九月合書門

下奏大行皇太后諡讀於太祖武皇帝廟室其日合集兩

省御史臺五品以上尚書省四品以上官於太廟序立候

行告禮畢中書省班首一人升階詣太祖武皇帝廟室讀

諡冊訖奏聞別擇日上諡冊於西宮靈座及祭告天地宗

廟從之十神閔敬皇后姓劉氏莊宗第三妃初封魏

日冊為皇后帝遇內難奔於太原明宗立遣人賜和武

死晉天福五年正月二十八日追諡曰神閔敬

憲皇后姓曹氏明宗后天成三年正月冊為淑如長興元

清泰三年閏十一月與帝同遇難晉昭懿皇后姓

天福五年正月二十八日追冊曰和武憲昭懿皇后姓

氏明宗后初封晉國夫人早卒長興四年三月二十宣

八日追冊為皇后於太微宮之東建寢廟以安神主

憲皇后姓魏氏潞王母本平山民王氏婦明宗為騎將時

掠得之居數年卒追封魯國夫人清泰二年二

月追尊為皇太后中書門下奏曰臣聞漢昭帝承祚御歷
 奉尊諡於雲陽魏明帝繼體守文思外家於甄館而皆追
 崇徽稱耐饗廟廷克隆敬本之文式協愛親之道臣等又
 覽國史竊見元宗皇帝母曰昭成皇后寶氏代宗皇帝母
 曰章敬皇后吳氏始嬪朱邸俄闕元宮鴻圖既屬於明君
 尊號咸追於聖母伏以魯國夫人發祥沙麓貽媿河洲三
 母最賢周母克成於大統四妃有子唐后先啟於帝基仰
 惟當寧之情彌軫寒泉之思久虛殷薦慮損皇猷臣等謹
 上尊諡曰宣憲皇太后請依昭成皇后故事擇日備禮
 冊命又臣等伏聞先太后舊陵永祔先祠則都下難崇別
 業既追尊諡當創闕宮按漢朝故事園寢不在王畿或就
 陵所更立寢祠今商量上諡後權立享廟以申告獻配祀
 之禮請俟他年從之三年六月遣工部
 尚書崔儉奉上皇太后寶冊諡曰宣憲
 帝后初封魯國夫人應順元年四月為廢帝所
 害晉天福五年正月二十八日追諡曰哀
 氏廢帝后初封沛國夫人清泰元年七月二十
 八日冊為皇后三年閏十一月與帝同遇難
晉皇后 姓李氏高祖后天福元年十一月冊尊 八年七月
 尊為皇太后 開運四年三月與帝同遷於契丹之
 黃龍府 漢乾祐三年八月
 二十三日薨於蕃中之建州 **皇太妃** 姓安氏敬儒妻天

皇后 姓張氏出帝后天
 福八年十月追冊

漢昭聖皇太后 姓李氏高祖后天福十二年四月八日冊為
 廣順元年正月上尊 乾祐三年七月冊尊為皇太后 周

周聖穆皇后 姓柴氏太祖后遇害於漢太祖
 卽位追冊為皇后諡曰聖穆 **貞惠皇后** 姓

氏世宗后初封彭城縣君見殺於漢太祖卽位追封彭城
 郡夫人 顯德四年四月詔追冊為皇后諡曰貞惠葬惠
 陵 宣懿皇后 姓符氏世宗繼室初封衛國夫人 顯德
 宣懿 十 皇后 宣懿 姊 顯德 六

宣懿 十 皇后 宣懿 姊 顯德 六

雜錄

後唐 同光元年四月太常禮院奏准制以此月十三日行皇后

冊禮今檢詳臨軒命使冊皇后舊儀皇后廟見如納后之
 儀授冊後合別定廟見日其日皇后乘重翟車鹵簿鼓吹

儀仗前導從之 又奏謹按開元禮臨軒冊皇后皇后表
謝朝皇太后並如納后之儀不載朝謝皇帝之禮准納后
儀則皇帝服袞冕降迎於門恐禮太重今詳酌其日常服
御內殿皇后首飾褱衣尙儀引入至殿庭階再拜訖如常
儀從之

內職

梁開平三年度昭儀陳氏昭容李氏爲尼後皆不知所終

唐乾寧二年冊魏國夫人陳氏後唐太祖爲皇太妃

唐後同光元年四月冊劉氏太祖爲皇太妃

二年十一月敕封昭儀侯氏爲汧國夫人昭容夏氏爲魏國夫人昭媛白氏爲沛國夫人出使美宣鄧氏爲魏國夫人

人御正楚真張氏爲涼國夫人司簿德美周氏爲宋國夫人侍真吳氏爲潑郡夫人懿才王氏爲太原夫人咸一韓氏爲昌黎夫人瑤芳張氏爲清河夫人懿德王氏爲太原夫人宣一馬氏爲扶風郡夫人

十二月冊封淑妃韓氏帝正爲衛國夫人德妃伊氏帝次

爲燕國夫人以宰相豆盧革韋說爲冊使出應天門登輅車鹵簿鼓吹前導至永福宮降車入右銀臺門至淑妃宮受冊於內文武百官列班稱賀

天成三年正月冊封王氏爲德妃長興二年四月追號淑妃

日追冊爲太妃 周廣順元年四月追諡曰賢妃

長興三年九月敕封昭儀王氏爲齊國夫人司寶郭氏爲魏

國夫人司贊于氏為鄭國夫人尙服王氏為衛國夫人昭容葛氏為晉國夫人昭媛劉氏為趙國夫人孫氏為楚國夫人御正張氏為曹國夫人司記崔氏為蔡國夫人司膳翟氏為滕國夫人司醢吳氏為莒國夫人婕妤高氏為渤海郡夫人美人沈氏為太原郡夫人順御朱氏為吳郡夫人司飾廖氏為潁川郡夫人司衣劉氏為彭城郡夫人司藥孟氏為咸陽郡夫人衣服王氏為太原郡夫人梳篦張氏為清河郡夫人梳篦傅氏為潁川郡夫人知客張氏賜號尙書故江氏追封濟陽夫人

其名號皆中書門下按六典內職敘而行之

四年二月敕封內人李氏為隴西縣君崔氏為清河縣君李氏為成紀縣君田氏為咸陽縣君白氏為南陽縣君

按前代內

職無封君之禮
此一時之制

晉天福二年八月敕封蔡氏為潁川郡夫人

八年十一月二日敕封寶省李氏為隴西郡夫人張氏為春官夫人皇后宮尙宮前左御正吳氏為齊國夫人又進封燕國夫人書省崔氏為魏國夫人又進封梁國夫人前右御正趙氏為天水郡夫人又進封魏國夫人司簿孟氏為汧國夫人前司簿李氏為隴西郡夫人弟子院使齊氏大使郭氏副使賈氏竝為縣君太后宮尙宮陳留郡夫人何氏進封鄭國夫人河南郡夫人元氏進封齊國夫人番知客出使夫人石氏為武威國夫人春宮姚氏常氏焦氏王氏陶氏魏氏趙氏並超為郡夫人寶省媛美趙氏為天水

郡夫人武氏為 郡夫人並授春宮

開運二年八月敕封清河郡夫人張氏彭城郡夫人劉氏為
本宮太后宮司寶南陽郡夫人路氏出使夫人趙氏白氏
並充皇后宮司寶

周廣順元年八月敕封尚儀趙氏為汧國夫人尚服蘇氏為
岐國夫人尚宮甫氏為汾國夫人司賓高氏為潯國夫人
柴氏為平陽郡夫人茹氏為潁川郡夫人司記丁氏為隴
西郡夫人劉氏為彭城郡夫人典寶李氏為隴西縣君司
寶王氏為瑯琊縣君司正李氏為隴西縣君王氏為瑯琊
縣君尚食李氏為隴西縣君尚功曹氏為鉅鹿縣君司衣
李氏為隴西縣君司藥林氏為會稽縣君翟氏特為溇陽

縣君

九月追冊楊氏為淑妃張氏為貴妃董氏為德妃

出宮人

梁開平元年九月敕西宮所有前朝宮人宜放出宮任從所
適

後唐天成元年四月敕後宮內職量留一百餘人其餘任歸骨
肉

五代會要卷一

五代會要卷二

諸王

梁邲王

諱友裕太祖長子開平三年十月追封

博王

諱友文太祖養子本姓康氏名勤

郢

王

諱友珪太祖次子乾化二年六月三日篡位明年改鳳

福王

諱友璋太祖第四子

賀王

諱友雍太祖

建王

並開平元年五月冊封

康王

諱友孜太祖第七子乾化二年三月十二日封

後唐邕王

諱存美太子

永王

諱存霸太子

薛王

諱存禮太子

申

王

諱存渥太子

睦王

諱存義太子

通王

諱存確太子

雅王

諱存紀太祖第八子並

魏王

諱繼岌莊宗長子同光元年四月明宗反為李環

同光三年閏十二月封魏王

所殺葬於華州之西南其弟繼潼繼嵩繼蟾繼

太保諱從

璟明宗長子為元行欽所殺
秦王 諱從榮明宗次子長

天成三年八月追贈太保
秦王 諱從榮明宗次子長

年十一月謀逆伏誅追削為庶人
清泰元年八月封

故庶人從榮獲罪先帝貽禍厥身已歷歲時未營宅兆雖
軫在原之念宜從有國之規宜令中書門下商量葬禮尋

據太常禮院狀奏請准唐貞觀中庶人承乾流死黔州仍
葬以公禮從之 許王 諱從益明宗第四子長興四年五月封

唐帝祀 開運三年契丹犯闕拜為彰信軍節度使不受
還洛陽漢高祖起兵太原為契丹將蕭翰偽立為帝權知

南朝軍國事 天福 太尉 諱重吉廢帝長子為愍帝所
十二年六月遇害 雍王 諱重美廢帝次子

於薊州 雍王 諱重美廢帝次子
尉立廟 雍王 諱重美廢帝次子

晉楚王 諱重信高祖長子權河陽三城節度使張從賓反見
年五月易 壽王 諱重義高祖次子權洛京留守亦為張

封楚王 壽王 諱重義高祖次子權洛京留守亦為張
太尉追 陳王 小字馮六高祖幼子未名而卒贈太傅追

封壽王 陳王 小字馮六高祖幼子未名而卒贈太傅追
贈太 號王 諱重英 鄭王 諱重允 夔王 諱重進天福二年

雄武軍節度使 諱重睿 以上 遙領陝西節度使 諱

照 遙領魯州節度使 諱延寶俱高祖諸孫 按

漢魏王 諱承訓高祖長子早卒 陳王 諱承勳高祖第三子
天福十二年二月追封

周郊王 諱侗太祖 杞王 諱信太祖第三子並遇害於漢末

以悼往矧在友子之列尤鍾惻愴之情故皇弟贈太保侗
贈司空信景運初啟天年不登俾子終鮮實動子懷侗可

贈太傅追封杞王 越王 諱誼世 吳王 諱誠世 韓王 諱

王信司徒杞王 越王 諱誼世 吳王 諱誠世 韓王 諱

世宗第三子並遇害於漢末顯德四年四月詔曰父子之
道聖賢不忘再思天闕之端愈動悲傷之抱故皇子左驍

衛大將軍誼左武衛大將軍誠左屯衛大將軍誠等載惟
往事有足傷懷宜增一字之封仍贈三台之秩誼可贈太

尉追封越王誠太傅吳王誠太祖受禪後賜名 曹王 諱

初名宜哥誠皆未名並太祖受禪後賜名 曹王 諱
讓世宗第五子拜左驍衛上將軍封 紀王 諱熙謹世宗

武衛大將軍

斬王

諱熙誨世宗第七子拜左領軍衛大將軍並顯德六年八月封

雜錄

唐後同光四年正月內郡人王景姁奏唐昭宗諸王及皇子弟宗屬千餘人當朱梁弒逆之時同時遇害為三坎瘞於內西古龍興寺北請合為一冢改葬敕令太常禮院以故濮王一人為首以一品禮葬仍委河南府監護其事

長興元年九月太常禮院奏草定冊秦王儀注博士段颺議曰據開元禮臨軒冊命諸王大臣其日受冊著朝服從第鹵簿與百官俱集朝堂就次受冊通事舍人引不載謁朝還第之儀自開元以後冊拜諸王皆正衙命使詣延英門進冊皇帝御內殿高品引王入立於位高品宣制讀冊王

受冊訖歸院亦無乘輅謁朝之禮臣按五禮精義云古者皆因禘嘗而發爵祿所以示無專稟之於祖宗也今雖冊命不在禘嘗然拜大官封大邑必至殿庭敬順之道也今當司欲准開元禮其日秦王朝服自理所乘輅車備鹵簿與羣臣俱集朝堂就次受冊訖至應天門外奉冊置於載冊之車秦王升輅出謁太廟訖歸理所儀仗鹵簿如來時之儀從之

公主

梁安陽公主

太祖長女降羅延規早卒開平三年八月追封

長樂公主

降趙巖

普

寧公主

降王昭祚並開平元年五月十一日封

金華公主

開平二年十月封

真

寧公主

乾化三年十月十五日封

壽春公主

末帝長女乾化三年四月五日封

壽

昌公主 末帝次女貞明九年九月二十三日封

後唐瓊華長公主 武帝長女降孟知祥 瑤英長公主 武帝次女降張延

二月封 永寧公主 明宗長女降晉高祖天咸三年四月封

興平公主 明宗第十三女降趙延壽天咸三年四月封

月進封燕國長公主 壽安公主 明宗第十四女 永樂公主 明宗第十五女並長興四

年六月封 晉長安公主 高祖女降楊承祚天福二年五月封 六年五月

長公主 高平縣主 新平縣主 千乘縣主 俱高祖從女 永

慶縣主 高祖孫女並天福七年五月封

漢永寧公主 高祖女降宋延渥天福十二年四月封

周樂安公主 太祖第三女遇害於漢廣順元年二月追封 壽

安公主 太祖第四女降張永德廣順元年四月 永寧公

主 太祖第五女廣順元年九月追封 顯德四年四月又追封梁國長公主

昏禮

後唐同光二年七月太常禮院奏按本朝舊儀自一品至三品

昏媾得服袞冕劔佩衣九章今皇子興聖宮使繼安雖未

封建官是檢校太尉合准一品昏媾施行其妃准禮婦人

從夫之爵亦准一品命婦禮至親迎之日太常鹵簿鼓吹

前導乘輅車其妃花釵九枝博鬢褕翟衣九等其日平明

皇帝差官告親廟一室宗正卿攝昏主行禮其夕親迎興

聖宮使乘輅車鹵簿鼓吹前導至女氏之門以結綵車御

輪交車從之

晉天福四年八月中書門下奏據太常禮院定來年長安公主出降儀注太僕寺供壓翟二馬車殿中省備方團編扇各十六行障三座障三繖一大扇一團大扇二今車障繖扇是同光年皇后法物欲修飾牙仗壓翟車后以四馬今權去二馬從之

五年二月太常禮院奏長安公主以三月出降按唐德宗朝禮儀使顏真卿議昏用誕馬在禮無文周禮諸侯以璋聘女禮云玉以比德今請駙馬都尉加以璋郡王之婿加元纁以代用馬書函之禮出自近代事無正經請廢勿用詔曰納采之時主人再拜使者不答雖開元禮具載其儀今宜答拜仍令鄭王重賁主其昏禮中外不賀餘依所奏

親拜郊

梁開平三年正月二十四日

十一月二日

後唐同光二年二月一日

長興元年二月二十一日

是夜微雨上召司天官問之奏曰聖德動天百靈期會故也至夜半

雨止天色晴朗如晝以爲聖德所感云

周顯德元年正月一日

雜錄

梁開平三年十一月南郊禮儀使奏今檢詳禮文皇帝赴南郊冠通天冠服絳紗袍登玉輅法駕鹵簿自清遊逐以下諸衛將軍平巾幘緋兩襠大口袴錦臙蛇銀隱起金帶刀

弓箭似飛執旗人引駕三衛並武弁緋兩襜大口袴供奉
 官並武弁服色各一人步步從餘文武官及導駕士絳衣平
 巾幘餘並戎服准式近侍導駕官自引車從本縣令州府
 御史大夫即朝服各乘輅車前導其引駕官員不總備車
 輅自中書令侍中以下則公服內諸司使並常服內人服
 色禮文不載是年自東京赴洛都行郊天禮
 自石橋備前件儀仗至郊壇

三年正月以河南尹張宗奭為南郊大禮使故事皆以宰相
 為之今以河南

尹充非常例也

後唐同光二年正月禮儀使奏南郊朝饗太廟合祭天地於園
 丘舊制以親王充亞獻行事請以皇子繼安為亞獻皇弟
 存紀為終獻

天成四年九月太常禮院奏來年二月十八日致齋於明堂
 准舊儀皇帝冠通天冠服絳紗袍文武五品以上著袴褶
 陪臣近侍祇著朝服從之

周廣順三年九月太常禮院奏准敕定郊廟制度洛陽郊壇
 在城南七里丙丁海鵬案丙丁別本
 及通攷作丙巳之地園丘四成各高

八尺一寸下廣二十丈再成廣一十五丈三成廣一十丈
 四成廣五丈十有二陛每節十二等燎壇在泰壇之丙地
 方一丈高一丈二尺濶其上南出戶方六尺請下所司脩
 奉從之時上將拜南
 郊故脩奉之

親饗廟

梁開平三年正月二十三日

十月三十日

後唐同光二年正月二十九日

長興元年二月十九日

周廣順三年十二月二十九日

廟儀

梁開平元年四月上初受禪乃立西廟於西京從近古之制也
後唐同光二年六月十日太常禮院奏國家興建之初已於北
都置廟今克復天下遷都洛陽却復本朝宗廟按禮無二
廟之文其北都宗廟請廢乃下尚書王正言等奏議曰伏
以宮室之制宗廟爲先今卜洛居尊開基御宇事當師古
神必依人北都先置宗廟不宜並設況每年朝享禮有常
規時日旣同神何所據竊聞近例亦有從權倘神主已脩
迎之藏於夾室若廟宇已定虛之以爲常制昔齊桓公之
廟二主禮無明文古者師行亦無遷於廟主故天后之崇
鞏洛禮爲非宜漢皇之戀豐枌事無所法況本朝故事禮
院具明洛邑舊都嵩高正位豈宜遠宮闕之居建祖宗之
廟事非可久理在從長其北都宗廟請准太常禮院申奏
宜從廢停從之

天成元年 月中書舍人馬縞奏曰伏見漢晉以來以諸侯
王宗室承襲帝統除七廟之外皆別追尊私親漢光武皇
帝立先四代廟於南陽其後桓帝以下亦皆上考前脩追
崇先代乞依兩漢故事別立親廟詔下尚書省集百官定

議禮部尙書蕭頊等議曰伏見方策所載聖概斯存將達蘋藻之誠宜親棗稅之制臣等集議其追尊位號及建廟乞都依馬縞所奏從之

二年 月中書門下又奏伏以兩漢以諸侯王入繼帝統則必易名上諡廣孝稱皇載於諸侯故事孝德皇孝仁皇孝元皇是也伏乞聖慈俯從人願許稱皇而薦號兼上諡以尊名改置故陵仍增兵衛遂詔太常禮院定其儀注太常博士王丕等引漢桓帝入嗣尊其祖河間孝王曰孝穆皇帝父蠡吾侯曰孝崇皇帝爲例請付太常卿定諡刑部侍郎權判太常卿事馬縞議曰准依兩漢故事以諸侯王宗室入承帝統亦必追尊父祖脩樹園陵西漢宣帝東漢光

武孝享之道故事具存自安帝入嗣遂有皇太后今別崇諡法追曰某皇所謂孝德孝穆之類是也前代惟孫皓自烏程侯繼嗣追尊父和爲文皇帝事出非經不堪稱順今據禮院狀漢安帝以下若據本紀文不見有帝字伏以諡法德象天地曰帝伏緣禮院南曹奏聞難將兩漢故事便述尊名請召百官集議右僕射李琪等復議曰伏觀歷代以來宗廟之制承襲無異從革或殊馬縞所奏誠有經據乞下制命令馬縞據依典冊以述尊名乃下詔曰朕聞開國承家得以制禮作樂故三皇不相襲五帝不相沿隨代創制於理無爽矧或情關祖禰事係烝嘗且追諡追尊稱皇與帝既有減增之事合陳褒貶之詞大約二名俱爲尊

稱若三皇之代不可加帝五帝之代不可言皇爰自秦朝
便兼其號至若元元皇帝事隔千禩宗追一源猶顯冊以
鴻名豈須遵於漢典況朕居九五之位爲億兆之尊不可
總二名於眇躬惜一字於先代苟不隨議何表孝誠可委
宰臣與百官詳定集兩班於中書各陳所見李琪等請於
祖禰二室先加帝字宰臣鄭珏合衆議奏曰恭以朝廷之
大宗廟爲尊事係承祧義符致美且聖朝追尊之日卽引
漢代舊儀在漢朝封崇之時復依何代故事理關凝滯未
協聖謨道合變通方爲民則且王者功成治定制禮作樂
正朔服色尙有改更尊祖奉先何妨沿革若應州必立別
廟卽地遠上都今據開元中追尊臯陶爲德明皇帝涼武
昭王爲興聖皇帝皆立廟於京都臣等商量所議追尊四
廟望依御札若並加皇帝之號兼請於洛京立廟敕宜於
應州舊宅立廟餘依所奏

八月太常禮院奏莊宗神主以今月十日祔廟七室之內
合有祧遷中書門下奏議祧懿祖一室請下百僚集議禮
部尙書蕭頊等奏請從中書所議從之

應順元年正月中書門下奏太常以大行山陵畢祔廟今太
廟見享七室高祖太宗懿宗昭宗獻祖太祖莊宗大行升
祔禮合祧遷獻祖請下尙書省集議太子太傅盧質等議
曰臣等以親盡從祧垂於舊典疑事毋質素有明文頃莊
宗皇帝再造寰區復隆宗廟追三祖於先代復四室於本

朝或遇祧遷旋成沿革及莊宗升祔以懿祖從祧蓋以嗣立之君所以先遷其室光武滅新之後始有追尊之儀比祇在於南陽原不歸於太廟引事且徵於故實臣等須凜於新規將來升祔先廟次祧遷懿祖既協隨時之義又符變體之文從之時議者以懿祖賜姓於懿宗以支庶繫大宗例宜以懿祖為始祖次昭宗可也不必祖神堯而宗太宗若依漢光武則宜於代州立獻祖而下親廟其唐廟依舊禮行之可也而議事者忘咸通之懿宗又稱懿祖父子俱懿於理可乎將朱耶三世與唐室四廟連序昭穆非禮也議祧不知受氏於唐懿宗而祧之今又及獻祖以禮始祧昭宗次祧獻祖可也而懿祖如唐景皇帝豈可祧乎

晉天福三年正月中書門下奏皇帝到京未立宗廟望令所司速具制度典禮以聞從之

三月太常博士段顥議曰夫宗廟之制歷代為難爰求禮

經以徵故實謹按尚書舜典曰正月上日受終于文祖此是堯之祖廟也猶未載其數又按郊祀錄夏立五廟商立六廟周立七廟漢初立祖廟於郡國共計一百六十七所後光武中興又別立六廟魏明帝初立親廟四後重議依周法立七廟晉武受禪初立六廟後卻立七廟宋武帝初立六廟齊朝亦立六廟隋文帝初受命立親廟四至大業元年煬帝欲遵周法議立七廟次屬傳禪於唐武德元年六月四日始立四廟於長安至貞觀九年命有司詳議廟制遂立七廟至開元十一年後創立九廟又按禮記喪服小記曰王者禘其祖之所自出以其祖配之而立四廟鄭元注云高祖以下至禘四世即親廟也更立始祖為不遷

之廟共五廟也又按禮記祭法王制及孔子家語春秋穀梁傳並云天子七廟諸侯五廟大夫三廟士一廟此是降殺以兩之義又按尙書咸有一德篇曰七世之廟可以觀德又按疑義云天子立七廟或四廟蓋有其義也知四廟者從禰至高祖也以上親盡故四廟之外又立七廟緣自古聖人祖有功宗有德更封始祖卽於四親廟之外或祖功宗德不拘定數所以有五廟六廟或七廟要後代子孫觀其功德故尙書云七世之廟可以觀德也又按周捨云自江左以來晉宋齊梁相承多立七廟今顓等參詳惟立七廟卽通其理伏緣宗廟事大不敢執以一理定之故檢四廟七廟之文參酌厥禮俱得其宜他所論者並皆勿取

伏請下三省集百官詳議敕從之左僕射劉昫等議曰臣等於今月八日伏奉敕命於尙書省集議太常博士段顓所議宗廟事伏以敷宣王化以達萬方克致和平必先宗廟故禮記王制曰天子七廟諸侯五廟大夫三廟疏云周制之七者太祖廟及文王武王之祧與親廟四太祖后稷也殷六廟契及成湯與二昭二穆也夏則五廟太祖禹與二昭二穆而已自夏及周少不減五多不過七又云天子七廟皆據周也有其人則七無其人則五諸侯廟制雖有其人則不過五此天子諸侯五七之異明矣至於三代以後魏晉宋齊隋及唐初多立六廟蓋於建國之始不盈七廟之數也今欲請立自高祖以下四親廟其始祖一廟未

敢輕議伏候聖裁御史中丞張昭奏議曰臣前月中預都省議宗廟事伏見議於親廟之外請別立始祖一廟近奉中書門下牒再令百官都省議定聞奏者臣讀十四代史書見二千年故事觀諸家宗廟都無始祖之稱惟殷周二代以稷契爲太祖禮記曰天子七廟三昭三穆與太祖之廟而七鄭元注云此周制也七者太祖后稷及文王武王與四親廟也又曰殷人六廟契及成湯與二昭二穆也夏后氏立五廟不立太祖惟禹與二昭二穆而已據王制鄭元所釋卽殷周以稷契爲太祖後代無太祖亦無追諡之廟自殷周以來時更數十代皆於親廟之中以有功者爲太祖無追崇始祖之例引今援古旣恐詞繁事要證明須

陳梗槩漢以高祖父太上皇執嘉無社稷功不立廟號高祖自爲高祖魏以曹公相漢垂三十年始封於魏故爲太祖晉以宣王輔魏有功立爲高祖以景帝始封於晉故爲太祖宋氏先世官閥卑微雖追崇帝號劉裕自爲高祖南齊高帝之父位至右將軍而無封爵不得爲太祖高帝自爲太祖梁武帝父順之左右齊室封侯位至領軍丹陽尹雖不受封於梁亦爲太祖陳文帝父文瓚生無名位以武帝有功梁室贈侍中封義興公及武帝卽位亦追爲太祖周閔帝以父泰相西魏經營王業始封於周故爲太祖隋文帝輔周室有大功始封於隋故爲太祖唐高祖神堯祖父虎爲周八柱國隋代追封唐公故爲太祖唐末梁室朱

氏有天下亦立四廟朱氏先世無名位雖追冊四廟不立
太祖朱公自爲太祖此則前代追冊太祖不出親廟之成
例也王者祖有功宗有德漢魏之制非有功德不得立爲
祖宗殷周受命以稷契有大功於唐虞之際故追尊爲太
祖自秦漢之後其禮不然雖祖有功仍須親廟今亦粗言
往例以取證明秦稱造父之後不以造父爲始祖漢稱帝
堯劉累之後不以堯爲始祖魏稱曹參之後不以參爲始
祖晉稱趙將司馬卬之後不以卬爲始祖宋稱漢楚元王
之後不以元王爲始祖齊梁皆稱蕭何之後不以何爲始
祖陳稱太邱長陳寔之後不以寔爲始祖元魏稱李陵之
後不以陵爲始祖後周稱神農之後不以神農爲始祖隋
稱楊震之後不以震爲始祖唐稱臯陶老子之後不以臯
陶老子爲始祖惟唐高宗后則天武氏臨朝革唐稱周更
立七廟乃追冊周文王爲始祖此蓋當時附麗之徒不諳
故實武立姬廟乖越已甚曲臺之人到今嗤謂臣遠稽秦
漢下至周隋禮樂衣冠聲名文物未有如唐室之盛者武
德議廟之初英才間出如溫魏顏虞通今古封薛蕭杜達
禮儀制度憲章必有師法夫追先王先母之儀起於周代
據史記及禮經云武王纘大王王季文王之緒壹戎衣而
有天下尊爲天子宗廟饗之周公成文武之德追王大王
王季上祀先公以天子之禮又曰郊祀后稷以配天據此
言之周武雖祀七世其追號爲王者但四世而已故自東

漢以來有國之初多崇四廟從周制也況殷因夏禮漢襲秦儀無勞博訪之文宜酌已成之制請依隋唐有國之初創立四廟推四世中之名位高者爲太祖謹議以聞敕宜令尙書省集議聞奏左僕射劉昫等再奏議曰臣等今月十三日再於尙書省集百官詳議夫王者祖武宗文郊天社地故有追尊之典以申配饗之儀竊詳太常禮院議狀準立七廟旣並通其理其他所論並皆勿取七廟者按禮記王制曰天子七廟三昭三穆與太祖之廟而七鄭元注云此周制也詳其禮經卽是周家七廟之定數四廟者謂高曾祖禰四世也按周本紀及禮經大傳皆是也武王受命追王大王王季以后稷爲堯稷官故追尊爲天子此卽周武王初有天下追尊四廟之明文也故自漢魏以降迄於周隋創業之君追尊不過四世酌周制也此禮行之已久事在不疑今參詳都省前議狀請立四廟外別引始祖取裁未爲定議續準敕據御史中丞張昭奏請創立四廟之外無別封始祖之文況國家禮樂刑名皆依唐典宗廟之制須酌舊章請以唐朝追尊懿祖宣皇帝獻祖光皇帝太祖景皇帝代祖元皇帝故事追尊四廟爲定從之

七年七月太常禮院奏國朝饗四廟靖祖肅祖睿祖憲祖今大行皇帝將行升祔按會要唐武德元年立四廟於長安至貞觀九年高祖神堯皇帝崩命有司詳議廟制議者以高祖神主併舊四室祔廟今先皇帝神主請同唐高祖升

王仁會要卷二
四
附從之

漢天福十二年閏七月太常博士段頤奏議曰伏以宗廟之制歷代爲難須按禮經旁求故實又緣禮貴隨時損益不定今推詳歷代故事請立高曾祖禰四廟更上追光武皇帝爲始祖百代不遷之廟居東向之位共爲五廟庶符往例又合禮經詔尙書省集議吏部尙書竇貞固等議曰按禮記王制曰天子七廟諸侯五廟大夫三廟疏云周制也七廟者太祖及文王武王之祧與親廟太祖后稷也又云天子七廟皆據周也有其人則七無其人則五至於光武中興及歷代多立六廟或四廟蓋建國之始未盈七廟數也又按郊祀錄王肅云德厚者流澤光於天下也是六代之義也今欲請立高祖以下親廟又云聖王祖有功宗有德卽於四廟之外祖功宗德不拘定數今除四廟之外更請上追高皇帝光武皇帝共六廟從之

周廣順元年正月中書門下奏太常禮院議曰今立太廟室數若守文繼體則魏晉有七廟之文若創業開基則隋唐有四廟之議聖朝制禮追諡四廟伏恐所議未同請下百官集議太子太傅和凝等議曰恭以肇啟洪圖維新黃屋左宗廟右社稷率由舊章崇祖禰辨尊卑載於前史雖質文互變義趣各殊或觀損益之規或繫興隆之始陛下體元立極本義祖仁開變家成國之基遵奉先思孝之道據禮官議立四親廟允協前文從之

五代會要卷二

五代會要卷三

廟制度

唐後天成三年十一月太常定舊少帝為昭宣光烈孝皇帝廟

號景宗博士呂朐龜奏曰謹按禮經臣不誅君稱天以諡

之是以本朝故事命太尉率百僚奉諡冊告天於園丘回

讀於靈前並在七日之內諡冊入陵若追尊定諡命太尉

讀諡冊於太廟藏冊於本廟伏以景宗皇帝頃負沈冤歲

月深遠園陵已脩不祔於廟則景皇帝親在七廟之外今

聖朝申冤追尊定諡重新帝號須擬禮儀又禮云君不逾

年不入宗廟且漢之殤沖質君臣已成晉之惠懷愍俱負

艱難皆不列廟食止祀於園寢臣等竊詳故實欲請立景

宗皇帝廟於園所命使奉冊書寶綬上諡於廟便奉太牢
祀之其四時委守令奉薦請下尙書省集三省官詳議施
行左散騎常侍蕭希甫等請依禮院所奏敕宜令本州城

內選地起廟哀帝崩於曹州立廟

四年五月中書門下奏先據太常寺定少帝諡曰昭宣光烈
孝皇帝廟號景宗生名為帝乃可承祧既號景宗合入宗
廟如不入廟難以言宗據理而論祧一遠廟安少帝神主
於太廟既昭穆序而宗祧正今或安居別廟即請勿言景
宗但云昭宣光烈孝皇帝兼冊文內有基字蓋此字是元
宗廟諱雖尋常敕誥皆宜迴避少帝是元宗繼世之孫不
合斥列聖之諱請改基字為宗字從之按風俗通陳孔璋云尊卑有殺喪祭

哀敬各有攸終欲令言著而可尊事施而不犯禮云卒哭之後宰執木鐸狗於宮曰舍故而諱新故謂毀廟之主也思遠屬絕名可不諱今昭宣上去元宗一十四世奏改冊文非典故也

晉天福四年十一月太常禮院奏議立唐廟引武德年故事

祀隋三帝今請立近朝莊宗明宗愍帝三廟庶合前規詔
曰德莫重於繼絕禮莫重於敬先莊宗立興復之功明宗
重光大之業逮乎愍帝實帝本枝然不緒洪源皆尊唐室
繼周者須崇后稷嗣漢者必奉高皇將啟嚴祠當崇懋典
宜令立唐高祖太宗及莊宗明宗愍帝五廟

是月太常禮院又奏唐廟制度請以至德宮正殿隔為五
室三分之南去地四尺以石為堦中容二主廟之南一屋
三門門戟二十有四東西一屋一門門無棨戟廟中牀鑪

盤帳燭亭香寶案盛酒爵罍洗罇坫位席祭服率如常制
四伸之祭一羊一豚如其中祀幣帛牲牢之類光祿主之
祠祝之文不進不署神櫺之具鴻臚督之五帝五后凡十
主未遷者六未立者四未諡者二高祖太宗與其后暨莊
宗明宗凡六主在青化里之寢宮祭前二日以殿中繖扇
二十迎置新廟以行饗禮莊宗明宗愍帝三后及魯國孔
夫人神主四座請脩製祔廟及三后請定諡法從之

周廣順元年二月太常禮院上言準敕遷漢廟入昇平宮其
唐晉兩朝皆五廟遷移今漢七廟未審總移爲復祇移五
廟敕宜準前敕並移於昇平宮其法物神櫺齋院祭器祭
服饌料皆依中祀例用少牢光祿寺給其讀文太祝及奉

禮郎太常寺差每伸享以漢宗子爲三獻從之

三年九月太常禮院言準洛京廟室一十五間中分爲四室
兩頭有夾室四神門每門屋三間每門戟二十四別有齋
宮神櫺屋宇準禮左宗廟右社稷在國城內請下所司脩
奉從之

時帝將行郊禮遷宗廟於東京故有是議

顯德六年七月詔曰大行皇帝山陵有期神主將祔太廟其
廟宇屋舍添脩否國子司業兼太常禮院博士聶崇義奏
曰奉敕爲大行皇帝山陵有期神主祔廟恐殿室缺少合
重添脩今請廟內相度若是添脩廟殿一間至五間並須
移動諸神門及角樓宮牆仗舍及當殿正面檐祇階道亦
須近東省牲立班位直至齋宮漸更迫窄今檢到古今禮

文伏緣太廟東西各有夾室伏請遷易諸室安大行皇帝神主以合禮文者一按唐禮太廟惟有六室至開元元年加至九廟遂有九室至大歷十四年十二月十一日代宗神主將祔太廟太常奏緣遷祔須加夾室中埴室又元和三年十月九日重脩太廟先是宗正奏下所司卜擇起脩日聞奏太常禮院詳定告料其合徧告九室奉移神主權於廟南門殿庭少西設行廟幕殿一十二間置冊牀幕屋五間告前二日有司陳設畢告料準常禮有司供備其行廟外令左右金吾守衛如式令重拆廟殿續更添脩不惟重勞兼恐未便竊見虛東西二夾室況有未祧遷之主欲請勿拆廟殿更添間數卽便將來夾室安排六室位次所有動移神主若準舊例於廟庭權設行廟幕殿卽恐雨水猶多難於陳設請權於太廟齋宮內安奉神主脩奉畢日庶爲宜稱一按禮記云廟成則於中屋封羊以釁之夾室則用雞又大戴禮及通典亦有夾室察文觀義乃是備廟之制況新主祔廟諸經有遷易之名考古沿今庶令通理伏請遞遷寢室安大行皇帝神主以符禮意從之

禘祫

後唐長興元年九月太常禮院奏來年四月孟夏禘享太廟謹按禮經三年一禘以孟夏五年一祫以孟冬已毀未毀之主並合食於太廟之廟逐廟功名之臣配享於本廟之廟寶應元年定禮奉景皇帝爲始封之祖旣廟號太祖百代

不遷每遇禘祫位居東面之尊自太祖元皇帝高祖太宗以下列聖子孫各序昭穆南北相向合食於前聖朝中興重脩宗廟見享高祖太宗懿宗昭宗獻祖太祖莊宗七廟太祖景皇帝在祧廟之數不列廟享將來禘祫若奉高祖居東向之尊則禘祫不及於太祖若以祧廟太祖居東向之位則有違於禮意今所脩奉祧廟神主及諸色法物已備合預請參詳事須具狀申奏敕下尙書省集議戶部尙書韓彥暉等奏議曰伏以本朝尊受命之祖景皇帝爲始封之君百代不遷長居廟食自貞觀至於天祐無所改更聖祖神孫左昭右穆自中興國祚再議宗祀以太祖景皇帝在祧廟之數不列祖宗欲尊太祖之位將行東向之儀爰命羣臣同議可否伏睹本朝列聖之舊典明皇帝定禮之新規開元十年特立九廟子孫遵守歷代無虧今旣行七廟之規又已祧太祖之室昔德宗朝將行禘祫之禮遵顏真卿議請奉顯祖神主居東向之位景皇帝暫居昭穆之列考之於貞元則以爲誤行之於今日正得其禮今欲請每遇禘祫之歲暫奉景皇帝居東向之尊自元皇帝以下序列昭穆從之

周顯德五年六月禘於太廟先是言事者以王家宗廟無祧廟之主不當行禘祫之禮國子司業聶崇義以爲前代備廟累遷及追尊未毀者皆有禘祫援引故事九條以爲左證曰魏明帝以景初三年正日崩至五年二月祫祭明年

又禘自茲以後五年爲常且魏以武帝爲太祖至明帝始
三帝而已未有毀主而行禘祫其證一也宋文帝元嘉六
年祠部定十月三日殷祀其太常博士議禘云按禘祫之
禮三年一五年再宋自高祖至文帝纔亦三帝未有毀主
而行禘祫其證二也梁武帝用謝廣議三年一禘五年一
祫謂之殷祭禘祭以夏祫祭以冬且梁武乃受命之君僅
追尊四廟而行禘祫則知祭者追遠之道以時移節變孝
子感而思親故薦以首時祭以仲月間以禘祫序以昭穆
乃禮之經也非關宗廟備不備其證三也唐禮貞觀九年
將祫高祖於太廟國子司業朱子奢請準禮立七廟是時
乃立六廟而行禘祫今檢會要及通典并禮閣新儀皆載
此禮並與實錄符合此乃廟亦未備而行禘祫其證四也
貞觀十六年四月己酉光祿大夫宗正卿紀國公段綸卒
太宗甚傷悼爲不視朝將出臨之太常奏禘祫祭致齋不
得哭乃止此明太宗之時宗廟未備實行禘祫其證五也
貞觀二十三年自九嶼葬回迎神主於太極殿之西階日
中行虞祭之禮有司請依典禮以神主祔於廟高宗欲留
神主於內寢旦夕供養申在生之敬詔停祔禮英國公李
勣等抗表同請曰竊惟祖功宗德飭終之明典文昭武穆
嚴配之明訓今停祔廟奉徇哀情卽拘典章乖替亦甚又
國哀已後而廟停時祭逾月之哀須申大祫以唐禮九廟
觀之自太宗以上纔足七廟未有毀主將申大祫其證六

也貞觀十六年四月癸丑有司言將行禘祭依今禮禘享功臣並得配享於廟庭禘享則不配請命禮官學士等詳議太常卿韋挺等議曰其禘及時享功臣皆應不預故周禮六功之官皆大烝而已大烝卽禘祭也梁初誤禘功臣左丞駮議武帝允而依行及周隋俱遵此禮竊以五年再禘合諸天道一大一小通人雅論小則人臣不預大則兼及有功今禮禘無功臣誠謂理不可易太宗改令從禮載詳此論該曉歷代援據甚明又貞觀年中累陳禘禘其證七也高宗上元三年有司禘享於太廟止有七室未有遷主通典會要及禮閣新儀具明此禮其證八也中宗景龍三年八月帝特祀南郊欲以韋皇后助行郊禮國子司業郭山等議云皇朝舊禮圜丘分祭天地惟有皇帝親拜並無皇后助祭之文及禘享并禘禘亦無助祭之事今據中宗之代國子祭酒等舉禘禘之文稱是皇朝舊禮又明太宗高宗之朝皆行禘禘其證九也疏奏從之

配享功臣

後唐長興二年四月敕故昭義節度使李嗣昭故幽州節度使周德威故汴州節度使符存審並配享莊宗廟

緣廟裁製

周廣順元年四月中書門下奏太常禮院申七月一日皇帝御崇元殿命使奉冊四廟準舊儀服衮冕卽座太尉引冊案入皇帝降座引立於御座前南向中書令舉冊案進皇

帝摺璫推授冊使跪受轉昇冊官其進寶授儀如冊案臣等參詳至時乞皇帝降階授冊從之

二年九月太常禮院奏奉迎太廟神主到京未審皇帝親出郊外奉迎否檢討故事原無禮例伏乞召三省集議敕宜令尙書省四品以上中書門下五品以上會同參議司徒竇貞固司空蘇禹珪等議按吳王孫休卽帝位迎其祖父於吳郡入祔太廟前一日出城野次明日常服奉迎此其例也遂署狀言以車駕出城奉迎爲是請下禮儀使草定儀注十月禮儀使奏太廟神主將至前一日禮儀使出城次於西御莊東北設神主行廟幄幕南嚮其日放朝羣臣蚤出西門皇帝常服出城詣行宮羣臣起居畢就次神主將至羣臣班定皇帝立於班前神主至太常卿請皇帝再拜羣臣俱拜神主就行廟幄幕座設常饌羣臣班於神幄前侍中就次請皇帝謁神主旣至羣臣再拜皇帝進酒畢再拜羣臣俱拜皇帝還幄羣臣先赴太廟門外列班俟皇帝至起居候神主至羣臣班於廟外皇帝立於班前太常卿請皇帝再拜羣臣俱拜皇帝還幄羣臣就次宮闈令安神主於本室訖羣臣班於廟庭太常卿請皇帝於四室奠享逐室皇帝再拜羣臣俱拜四室祔享畢皇帝還宮前件儀注望付中書門下宣下從之

社稷

周廣順三年九月太常禮院奏社稷制度社壇廣五丈高五

式尺五色土築之稷壇制度如之社壇右主長五尺方二尺
剡其上方其下半根在土中四垣華飾每神門屋三間一
門門設二十四戟四隅連飾杙挀如太廟之制中可樹槐
準禮左宗廟右社稷在國城內請下所司脩奉從之時帝
郊禮故遷社稷於東京脩之

嶽瀆

梁開平三年八月詔曰封嶽告功前王重事祭天肆覲有國
常規朕以眇躬恭臨大寶既功德未敷於天下而災祥互
見於域中頗虛告謝之儀有缺齋虔之禮爰脩昭報用契
幽通宜令中書侍郎平章事于兢往東嶽祭告訖

晉天福六年正月敕嶽鎮司方海瀆紀地載於祀典咸福蒸

民將保豐穰宜申虔敬其嶽鎮海瀆廟宇宜各令脩葺仍

禁樵採

開運三年二月詔令復祭中嶽且差河南少尹往彼行禮故事

五嶽皆本處觀察使親齋御降祝文行禮頃因張全義為河南尹以年德俱高遂令賓從攝祭近日兼差府屬卑官至是用左補闕盧夏奏故有是敕

周顯德七年十月詔今年冬祭海宜就差登州刺史張順起

今後逐年就差不更差使

寒食拜掃

漢乾祐三年三月寒食上奉皇后幸南御園野祭樞密使三

司使從人君奉先之道無寒食野祭之文近代莊宗每年寒食出祭謂之破散故襲而行之

周廣順元年二月寒食上出元化門至蒲池設御帳遙拜諸

陵非禮也

蒲池佛寺名

武成王廟

後唐長興三年五月七日國子博士蔡同文奏伏見武成王廟中每上戊釋奠漢留侯張良配座武安君吳起等爲十哲當排祭之時止於武成王張良十哲面前其范蠡等六十四人圖形於四壁者面前無酒醢自今後乞準本朝舊制例武成王廟四壁諸英賢畫像面前請各設一豆一爵祀享中書帖太常禮院檢討禮例分析申者禮院檢郊祀錄釋奠武成王廟中祀例祭以少牢其配座十哲見今行釋奠之禮伏自喪亂以來廢四壁英賢之祭今準帖爲國子博士蔡同文奏武成王廟四壁英賢請各設一豆一爵祀享者當司今詳郊祀錄武成王廟從祀諸英賢各設籩二實以栗黃牛脯豆二實以菜菹鹿醢簋各一實以黍稷飯酒爵一禮文所設無一豆一爵之儀奉敕武成王廟四壁英賢自此每至釋奠準郊祀錄各陳脯醢諸物以祭

周顯德五年閏七月兵部申春秋二戊釋奠武成王廟每祭差獻官三員初獻官上將軍充亞獻官大將軍充終獻官將軍充於漢乾祐三年奉中書門下指揮帶使相上將軍不差自後祇差大將軍行事乃改亞獻官爲再獻官終獻官爲三獻官

祭器

周廣順三年九月南郊禮儀使奏用珪璧制度準禮祀上帝

以蒼璧祀地祇以黃琮祀五帝以珪璋琥璜其玉各依本方正色祀日月以珪璧祀神州以兩珪有邸其用幣天以蒼色地以黃色配帝以白色日月五帝各從本方之色皆長一丈八尺其珪璧之狀璧圓而琮方珪上銳而下方半珪曰璋琥爲虎形半璧曰璜其珪璧琮璜皆長一尺二寸四珪有邸邸本也珪著於璧而四出也日月星辰以珪璧五寸前件珪璧有圖樣而長短之說或殊按唐開元中之詔曰禮神以玉取其精潔比來用珉不可行也如或以玉難辨毋寧小其制度以取其真令郊廟所脩珪璧量玉大小不必皆從古制伏請下所司脩製從之

顯德四年四月禮官博士等準詔議祭器祭玉制度國子祭酒尹拙引崔靈恩三禮義宗云蒼璧所以禮天其長十有二寸蓋法天之十二時又引江都集禮白虎通等諸書所說云璧皆外圓內方又云黃琮所以禮地其長一尺以法地之數其琮外方內圓八角而有好國子博士聶崇義以爲璧內外皆圓其徑九寸按阮氏鄭元圖皆云九寸周禮玉人職又有九寸之璧及引爾雅云肉倍好謂之璧好倍肉謂之瑗肉好若一謂之環郭璞注云好孔也肉邊也而不載尺寸之數崇義又引冬官玉人云璧好三寸爾雅云肉倍好謂之璧蓋兩邊肉各三寸通好共九寸則其璧爲九寸明矣又云黃琮八方以象地每角刻出一方六寸共長八寸厚一寸按周禮疏及阮氏圖並無好又引冬官玉

人云琮八角而無好崇義又云琮璜珪璧俱是禮天地之器而爾雅惟言環瑗璧二者有好其餘諸器若琮璜等者並未言及則琮璜八角而無好明矣時太常卿田敏以下以崇義援引周禮正文爲是從之

牲牢

梁開平三年七月敕祭祀之典有國大事如聞官吏慢於恪敬禮容牲選有異處宜令御史臺疏其條件聞奏

周顯德二年八月兵部尙書張昭等奏今月十二日奉聖旨以每年祭祀多用太牢念其耕稼之勤更備犧牲之用比諸豢養甚可愍傷令臣尋討故事可以他牲代否臣仰稟綸言退稽禮籍其三牲八簋之制五禮六樂之文著在典

彝迭相沿襲累經朝代無有改更臣聞古者祭燔黍捭豚尙多質略近則梁武之麩牲竹脯不可宗師雖好生之德則然於奉先之儀太劣蓋禮主於信孝本因心黍稷非馨鬼神享德不在牲牢之巨細籩豆之方圓苟血祀常保於宗祊而犧牲何須於藟栗但以國之大事儒者久行易以他牲恐爲未便以臣愚管見其南北郊宗廟社稷朝日夕月等大祀如皇帝親行事例用三牲如有司攝行事則用少牢以下雖非舊典槩減犧牲太常少卿田敏又奏臣奉聖旨爲祀祭用犢事今大僕寺供犢一年四季都用犢二十二頭唐武德九年十月九日詔祭園丘方澤宗廟以外並可只用少牢用少牢者用特牲豐年然後克修常

禮又天寶六載正月十三日敕文今後每大祭祀應用牲
犢宜令所司量減其數仍永爲常式其年起請以舊科每
年用犢二百一十二頭今請減一百七十三頭只用三十
九頭其餘祀享並宜停用犢又上元二年九月二十一日
敕文園丘方澤並依常式宗廟諸祀臨時獻熟其年起請
昊天上帝太廟各用太牢一餘祭則令隨事供辦若據天
寶六載自二百一十二頭減至三十九頭據武德九年每
年用犢十頭園丘四方澤一宗廟五據上元二年起請惟
昊天上帝太廟而無方澤祗九頭矣今國家用牛比開元
天寶則不及視武德上元則已過其太牢按會要太僕寺
有牧監掌孳課之事乞今後太僕寺養孳課牛其犢遇祭
昊天前三月養之滌宮取其蕩滌清潔也餘祭則否若臨
時買牛恐非故典奉敕今後祭園丘方澤社稷並依舊用
犢其太廟及諸祀宜準上元二年九月二十一日制並不
用犢如朕親行事則依常式 又詔曰今後諸祀祭應用
牲牢香幣饌料供具等仰本司官吏躬親檢校務在精潔
至行事儀式依附禮經大祀祭合用樂者仍須祀前教習
凡關祀事宜令太常博士及監祭御史用心點檢稍有因
循必行朝典

五代會要卷三

五代會要卷四

緣祀裁製

梁開平三年九月詔曰國之大事惟祀與戎須委元臣以專
 重務今後在京大小及諸色祀祭並委宰臣薛貽矩專判
 同光三年三月十日祠部奏本朝舊儀太微宮每年五薦
 獻其南郊壇每年四祀祭吏部申奏請差中書門下攝太
 尉行事其太廟及諸郊壇並吏部差三品以上攝太尉行
 事從之

七月中書門下奏據尚書祠部狀每年太微宮五薦獻南
 郊壇四祀祭並宰相攝行太尉事惟太廟時祭獨遣庶僚
 所謂舊規慮成闕禮臣等商量今後太廟祀祭亦望差宰

臣行事從之

三年十一月禮儀使奏伏準禮經喪三年不祭惟祭天地社稷爲越紼而行事此古制也爰自漢文益尊神器徇至公絕私之義行以日易月之制事久相沿禮從順變今園陵已畢祥練旣除宗廟不可以乏享神祇不可以廢祀宜從禮意式展孝思伏請自貞簡太后升祔禮畢應宗廟用樂及羣祀並準舊制施行從之

天成四年九月太常寺奏伏見大祀則差宰臣行事中祀則差諸寺卿監小祀則委太祝奉禮今後凡小祀請差五品官行事從之

十月二十七日中書門下奏太微宮太廟南郊壇宰臣行事宿齋百官皆入伏以奉命行事精誠宿齋旣徧見於朝官不涉處於祀祭今後宰臣行事文武兩班望令並不得宿齋處者奉敕宜依

十二月中書門下奏今後宰臣致齋內請不押班不知印不赴內殿起居或遇國忌應行事官受誓戒後並宜不赴行香拜不奏覆刑殺公事及大祀致齋內請不開宴從之長興二年五月尙書左丞崔居儉奏大祀中祀差官行事皇帝雖不與祭其日亦宜不視朝伏見車駕其日或出於禮不便今後請每遇大祀中祀車駕勿出從之

四年二月太常博士路航奏比來小祀以上公卿皆著祭服行事近日惟郊廟太微宮具祭服五郊迎氣日月諸祀並

五仁會要卷四
祇常服行事兼本司執事人等皆隨身衣裝狼籍鞵履便
隨公卿升降於壇墀按祠部令中祀以上應齋郎等升壇
行事者並入給潔服事畢收納今後中祀以上公卿請具
祭服行事執事升壇人並著履具緋衣幘子又臣檢禮閣
新儀太微宮以卯時行事近年以來諸郊廟例於五更行
事今後請依舊以卯時從之

清泰元年五月中書門下奏據太常禮院申明宗於今月二
十日祔廟太尉合差人攝行緣馮道假李愚十八日私忌
在致齋內今劉昫又奏見判三司事繁請免祀事今與禮
官參酌諸司忌日遇大朝會入閣宣召尙赴朝參今祔享
事大忌日屬私致齋日請比大朝會宣召例差李愚行事
從之

晉天福七年十一月敕天地宗廟社稷及諸祀事等訪問自
前所司承寬多不精潔宜令三司預支一年諸司合請祀
祭禮料物色等於太廟置庫仍差宗正丞石載仁專主掌
監庫御史宋彥昇監庫使兼供奉官陳審璘往洛京於太
廟內穩便處脩蓋庫屋五間俟畢日催促所支物色監送
入庫交付訖取收領文狀歸闕每有祀祭諸司合請禮料
至時委監庫御史宋彥昇宗正丞石載仁旋給付其大祀
中祀兼令監祭使點檢撰造小祀卽令行事官點檢如致
慢易本司當準格律科罪其祭器未有者脩製已有者更
脩飾

開運三年六月西京留司監察使奏以祀祭所定行事官臨期或遇疾病或奉詔赴闕留司稟敕已遲乞以留司吏部郎中一人主判有缺更依次第定名庶無缺事從之

周廣順三年九月南郊禮儀使奏郊廟祝文按禮例云古者文字皆書於冊唐初悉用竹版惟陵廟用玉冊元宗親祭郊廟用玉爲冊德宗朝博士陸淳議準祀用竹版祭訖燔之乃從其議貞元六年親祭有用竹冊今詳酌禮例用竹版爲宜從之

顯德五年閏七月一日御史臺奏見行事件諸司寺監逐季請到祇祭禮料幣帛腳錢等於宗正寺監察御史本寺官同掌候至日供應

逐季所祭享郊壇祠廟並是禮部差官其名銜牒報監察使大祀前七日起尙書省受戒誓如其日有官不到具名銜申奏申堂前三日致齋前二日清道引赴祀所中祀不受戒誓前二日致齋前一日清道引赴祀所小祀不受戒誓候吏部牒致獻官名銜監察使點檢封記禮料并諸司祇應人等發牒差驅使官管押赴祀所交割

逐祀祭諸司赴郊壇所等至午時與公卿行事官列班告潔省牲點饌畢給付大官令監廚造饌至來日五更於壇所饌畢行事點檢有食饌祭器不精應奉有缺其本司人吏量罪責罰郊壇太廟宰臣攝太尉行事至受戒誓及赴祠廟日監察使具錄公卿行事官名銜申送班狀

應行事官未受戒誓前陳牒有故請假並是吏部別差官
行事如受戒誓後及致齋之內有官陳牒有故請假監祭
使差次官通攝行事祠齋前一日本官按闕申堂如至行
事日音律樂官祇應前卻監祭使量罪區分太廟夾室行
祫享之禮所差行事公卿等並聽別敕指揮諸祀祭有同
日享祀監祭使具狀申御史中丞請差官祀若是無官可
差監祭使牒太常博士通攝如缺太常博士監祭使通攝
祀祭行事公卿官員職掌等每至冬寒請柴炭太常禮院
差禮生請給監祭使監散

親謁陵

後唐清泰三年九月車駕將北幸太常博士段暉奏河陽路當
徽陵今車駕經由合請朝謁從之

周顯德元年六月車駕征太原回次新鄭遂拜嵩陵望陵號
慟至陵所俯伏哀泣感於左右再拜訖祭奠而退賜奉陵
將吏及傍郊人戶金帛有差

公卿巡陵

後唐清泰二年正月宗正寺奏北京永興長寧建極三陵應州
遂衍奕三陵準曹州溫陵例下本州府官朝拜雍坤和徽
四陵太常宗正卿朝拜從之

晉開運三年七月八日中書門下奏太常禮院狀得宗正寺
牒今年八月擇日朝拜諸陵今太卜署擇用八月十二日
庚午告北京義惠康昌四陵準天福二年七月敕宜就昌

陵都朝拜其朝拜官以本府上佐官充行事禮料亦準上
供備

皇后陵

後唐同光三年十月貞簡皇太后葬於坤陵初上欲相於代州
太祖園陵中書門下奏議曰伏以人君以四海爲家不當
分南北洛陽是帝王之宅四時朝拜理須近便不能遠幸
代州今漢朝諸陵皆近秦雍國朝陵寢布列京畿後魏文
帝自魏遷洛之後園陵皆在河南兼敕應勲臣之家不許
北葬今魏氏諸陵皆在京畿相葬代州理爲未允從之

雜錄

後唐同光二年三月以尚書工部郎中李塗爲長安西路檢視

諸陵使

五月二十四日敕宗正寺嚴切指揮諸陵臺令丞不合輒
有影占人戶其諸陵舊例合 巡人仍令酌量額定數
目自本州縣於中等人戶內差遣交付陵所切不得自招
影占人戶攪擾鄉村致妨縣司差遣色役使仰密具本姓
名申奏當行朝典仍具條約曉示諸陵臺及本州縣訖聞
奏

八月中書門下奏諸陵臺令丞並請停廢以本縣令兼知
陵臺事從之

三年六月敕關內諸陵頃因喪亂屢遭穿發都未揜脩其下
宮殿與法物等各令奉陵州縣府拘所管陵園脩製仍四

時各依例薦享遂陵各差近陵百姓二十戶放雜差役充陵戶以備灑掃其壽陵等一十陵亦一例脩拵量差陵戶仍授尚書工部郎中李塗京兆少尹充奉脩諸陵使

周廣順元年正月敕後唐莊宗明宗晉高祖宜各置守陵十戶以近陵人戶充

五月宗正寺奏準諸陵故事有陵丞各一員若陵丞不置便委本縣令兼之今緣河南洛陽是京邑恐兼陵丞不便伏候敕旨特置陵丞各一員

海鵬案陵丞別本作令丞

忌日

後唐天成三年閏八月九日敕尚書兵部郎中蕭愿奏每遇宗廟不樂之辰宰臣到寺百官列班是日降使賜香案準禁

樂斷屠宰止刑罰者帝忌后忌之辰舊制皆有齋會蓋申追遠以表奉先多難以來此事久廢今後每遇大忌宜設齋僧道一百人列聖忌日齋僧道五十人忌日既不視朝固難舉樂所奏止刑罰斷屠宰宜依兼河南府向來送酒行香宰臣自此止絕天下州府至國忌日並令不舉樂止刑罰斷屠宰餘俱依舊

四年十二月中書門下奏今後大忌前一日請不坐朝從之晉天福五年正月御史中丞竇貞固奏每遇國忌行香宰臣跪臚海鵬案臚別本作爐僧人表讚文武百官儼然列坐今後伏請宰臣跪臚百官依常位列班從之仍令行香之後齋僧一百人永為定制

後唐天成元年六月十二日敕朕聞古者酌禮以制名懼廢於物取其難犯而易避貴便於時况徵彼二名抑有前例恭以大宗皇帝自登寶位不改舊稱時臣有世南官有民部靡聞曲避止禁連呼朕以眇躬托於人上冀遵聖範不敢有廢文書內所有二字但禁連呼餘不必迴避如是臣下之名不欲與君親同字者任自更改務從所便庶體予懷三年正月詔曰本朝列聖及新追四廟諱近日章奏偏旁文字皆闕點畫凡當出諱止避正呼若迴避於偏旁則虧闕於文字宜從樸素庶便公私此後凡廟諱但避正文其偏旁文字不必減少點畫

八月詔曰凡有姓犯廟諱者故以本望為姓

清泰二年五月中書門下奏御名上一字與諸王相連按太宗元宗朝故事人臣諸王合避相連字宜改單名從之

晉天福三年二月中書門下奏禮經云禮不諱嫌名二名不偏諱注云嫌名謂音聲相近若禹與雨邱與藎也二名不偏諱如孔子母名徵在言徵不稱在言在不稱徵也此古禮也唐太宗元宗二名皆諱人姓與國音聲相近之字是因嫌名而并改姓氏與古禮有異若廟諱平聲即不諱餘側若廟諱側字即不諱平聲所諱字正文乃偏旁皆闕點畫望依令式施行敕朝廷之制今古相沿道在人宏禮非天降况以方開歷數虔奉祖宗雖逾孔子之文不爽周公

之訓冀崇孝行永載簡編所謂二名及嫌名事依唐朝施行

冊命

梁開平元年八月敕朝廷之儀封冊爲重用報勲烈以隆恩榮固令式光舊

久缺自我復行今後每

冊封大臣宜令有司備臨軒之禮

後唐

同光二年三月太常禮院奏準制尚書令秦王李茂貞備

禮冊命檢詳舊儀無不帶節度使封冊之命宜準故襄州節度使趙匡凝判楚國例施行秦王受冊自備革輅一乘載冊犢車一乘并本品鹵簿鼓吹如儀從之

三年六月太常禮院奏吳越國王錢鏐將行冊命按禮文合

用竹簡敕宜令有司脩製玉冊俾稱元勲

議者以玉冊帝王所用不合假

於人臣蓋當樞密院承旨段迥受錢鏐之略曲隨其請樞密使郭崇韜不詳典禮故也

天成三年十一月十八日中書奏舊制凡降敕命至尊臨軒伏自陛下纂襲繼有封崇但申節度之儀尙缺臨軒之禮今後或有封冊請御正衙雖勞萬乘之尊冀重九天之命如此則行之時禮備受之者感深寧惟專耀夫皇猷實亦永標於青史從之仍付所司

清泰元年六月中書門下奏據太常禮院申冊拜王公如在京城所司備鹵簿車輅法物皇帝臨軒行冊禮如在外鎮正衙命使押冊赴本道行禮車輅法物故事不出都城禮無明文今奉制命幽州趙德鈞封北平王青州房知溫封

東平王皆備禮冊命其合用車輅法物在兵部太常寺太僕寺請載往本州行禮後送納於本司從之

舉人自代

舉官附一

後唐天成二年六月戶部尙書李麟奏應升朝官四品以上各許薦令錄兩人五品六品官各許薦簿尉兩人敕所舉人除官後仍於官告內坐舉官姓名赴任之後或有不公連坐舉主兼三品以上有舊諳行止堪充兩使判官者各具才業上聞

清泰二年正月尙書吏部員外郎劉鼎奏臣伏覩建中元年正月敕中外文武臣僚授官上任後三日舉一人自代事下中書如除用選人所薦多者擬議多事以來此敕久廢今後重乞舉行從之

漢乾祐元年正月敕節文應內外常參官宜準唐建中元年故事上任後三日表舉一人自代

周顯德二年正月二十一日御札應在朝文資官翰林學士兩省官內有曾歷藩郡賓職州縣官者宜各舉堪爲令錄者一人務在剛明清慎公平勤恪者其中有曾任令錄者亦許稱舉並當擢用不拘選限資序雖媼族近親亦無妨嫌祇須舉狀內具言除官之日仍具舉主姓名若在官貪濁不公懦弱不治職業廢弛處斷乖違並量事狀輕重連坐仍令御史臺催促本官旋具奏聞限兩月舉狀齊足如出使在外者候回日準此指揮

四年六月敕應在朝文資官各令再舉一人堪充令錄及兩使防禦團練軍事判官者自前或因功過微有殿犯者亦許稱舉餘準顯德二年正月二十一日御札處分
八月詔應在朝上將軍統軍大將率府副率等宜令各舉有武勇膽力騎射趨捷堪爲軍職者二三人仍具年歲及歷職去處聞奏如已在禁軍者不在稱舉候舉到日並當比試騎射看驗人材雖是相親亦宜公舉但於狀內具言如應任用之時不副所舉卽量事狀輕重坐舉主
五年五月詔在朝文資官各令再舉堪爲幕職令錄者一人所舉幕職州縣官罷任後便與除官仍並許赴闕
皇太子親王見三師禮

後唐長興四年七月三日太常寺奏奉敕詳定太子諸王見師傅禮如左

一準開元禮皇太子與師傅保相見前一日衛尉設次於宮門外道西南向伶官展軒懸於庭其日諸衛所部屯門列仗典謁設師傅保位於西階之西東向三少位次之少退俱東向北上師傅保及三少至宮門通事舍人引師傅保就次左庶子奏中嚴伶官師工人入就位通事舍人引師傅保及三少立於正殿門西差退俱東向左庶子奏外辦皇太子著服以出侍衛如常承和樂作至東階下西向立樂止通事舍人引師傅保及三少樂作就位樂止皇太子再拜師傅以下皆答拜若三少見時則三少先拜通

事舍人引師傅以下出樂作出門樂止左庶子跪奏稱臣某言禮畢

一又準禮閣新儀皇太子受冊後前二日尚舍設次於崇明門外南向又設師傅保中書門下文武百官東西相向以北爲上官臣及皇親陪其後次左庶子奏外備中官蹇簾皇太子常服出次南向立如侍從常儀次中書門下就北向立再拜訖禮官贊皇太子再拜訖中書門下班首一人前進賀訖復位再拜皇太子答賀訖又再拜皇太子謁中書門下訖相次退通事舍人禮贊皇太子再拜師傅等少避位訖師傅爲班首者一人進賀訖復位再拜皇太子答賀訖又再拜皇太子揖師傅退出內侍奉引皇太子就座南向坐訖通事舍人引文武官臣三品以下入就北向重行異位立定奉禮曰再拜訖左庶子一人進跪具官臣某等言賀訖復位皆再拜各分班東西序立奉禮曰再拜在位官皆再拜訖左庶子少前跪奏具官臣某言禮畢近侍垂簾皇太子降座官臣侍衛仗散如儀

一準會要貞觀十七年上謂房元齡曰太子三師以德導人者也若師禮卑則太子無所取則於是詔令撰三師儀注太子出殿門迎先拜三師三師答拜每門讓三師三師坐太子乃坐與三師書前名惶恐後名惶恐再拜

右據太常禮院狀謹檢開元故事禮閣新儀及會要分析如前其師傅見親王不同皇太子見師傅臣請師傅親王

對拜揖各退奉敕宜依

鄉飲

唐後清泰二年九月中書門下帖太常以長興三年敕諸舉人常年薦送先令行鄉飲酒之禮宜令太常草定儀注頒下諸州預前肄習解送舉人之時便行此禮其儀速具奏聞

初長興中宰臣李愚好古奏行此禮累年不暇至是愚復奏及觀禮官新定殊無緒理孫知訓以古禮無次序不可施行博士或言梁朝時青州會行一度遂令青州訪舊簿書以聞卒不能行

講武

梁開平元年十月駕幸繁臺講武

二年七月改繁臺為講武臺

按地理志本西漢梁孝王所築謂之吹臺其後有繁氏者居其

側故里人呼為繁臺云

牋表例

唐後同光二年八月敕四京并諸道州府及在京百司應申奏

諸色公事奏狀等先會指揮並須實封斜角其常呈奏狀於斜封上明題所為公事或干軍機言不題事直至御前開封進呈事宜指揮四京及諸道令散下管內諸州依元宣旨處分其在京百司仍令御史臺各錄敕文曉告

天成元年七月敕三京諸道節度團練防禦使刺史以及文武將吏州縣職員皆進月旦起居表其四孟月旦並可止絕

三年七月二十一日敕今後天下諸州刺史及係屬節鎮團練防禦使除應聖節冬年端午外謝上及每月起居慶賀

章表並付本道封進其餘公事準往例節度觀察使騰覆
聞奏

長興元年三月太常禮院奏皇后今日十四日受冊準舊儀
外命婦並合赴皇后受冊正殿門外就次俟受冊訖司賓
引入就位奉賀今未有命婦院請準例上表賀中書門下
奏其諸道節度使上表賀皇帝其在外朝命婦所上皇后
章表進呈訖不下令報答自此不更進表皇子妻駙馬公
主及近密親舊或有慶賀及進起居章表內中委人主掌
進呈後祇宣示來使並不下令從之

是月太常禮院奏按儀注令百官上疏於皇后曰皇后殿
下中外臣僚及命婦慶賀祇呼殿下不言皇后中書覆奏
據太常禮院狀若其祇呼殿下恐未合宜至如舊制皇太
子亦呼殿下若無分別何顯尊卑凡上皇后章表內請呼
皇后殿下若不形諸文字尋常並呼皇后從之

二年五月樞密院條疏諸道報軍機表狀於斜封上不得書
爲何事宜字樣

晉天福二年十月中書門下奏按禮閣新儀貞元二年十月
七日御史臺奏每月慶賀及諸上表並合上公之制可今
後凡有謝賀上表望並準原敕上公行之如三公闕令僕
以下行之中書門下別貢章表從之

